

Universal Declaration of Human Rights - Krio

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, <http://www.unicode.org/udhr>.

Tenki Tenki

Wi de tel tenk to Yunayted Neshən Ay Kəmishənə fə Yuman Rayt fə we dem pe fə dis wok ya.

Di Nashənəl Kəmishən fə Demokrasi en Yuman Rayt na dem put dis Deklareshən na wi yon Sa Lon languej dem.

Wi de tel plenti tenki to di posin we tən di inglish languej to krio, di wan we hep fə chek di wok en di man we drə dem pikchə, Adams, Bangura, en Miss Patience Bəknər we tayp

Di Stetment Bət Di Rayt Den We ɔlman na Di Wəl Fə Get

Wetin Kam Bifo (Introdəkshən)

Soso we if wi sabi en gri se if ɔlman get inseyon respekt, i ikwal en get di sem rayt lek eni ɔda pəsɪn ɔloba di wəl, den di wanol wəl sef go get fridəm, jəstis en pis; as tiŋ den we wiked pasmak dən apin bikəs pipul dem nɔ wan fə gri se ɔlman ikwal.

Di tiŋ we di kəmən man want pas ɔltin na di wəl tide na fə mek evribədi ebul fə se wetin i fil, ɔ tink bay aw tiŋ de bi, fə biliv wetin i want fə biliv en get benifit frəm ɔl wetin i nid, wit kolat.

If man fə liv wit kolat en nɔ get fə de fet fə in yon yon rayt, den i impɔtant fə mek di lɔ protekt da rayt de;

Na semweso i gud fə le kolat en frenship de bitwin neshən en neshən den.

We di Yunayted Neshən den sef si dis nain mek den put am tranga wan na den chata se ɔl motalman ɔlsay na di wəl ikwal, den get densef sefyon respekt we nɔbədi nɔ fə fəmfɪl wit.

Weda den na man ɔ uman, diffrens nɔ fə de, en di Yunayted Neshən dɔ mekop den maynd fə mek ɔlman liv with kolat en respekt usay i de en get itwal chans fə du wetin den sabi fə du.

Na semweso di mamba kɔntri den na di Yunayted Neshən dən gri fə jɔynan en mek shə se den go get fridəm, jəstis en pis sote go.

Fə mek dis wanwəd ɔl wata ɔloba di wəl, evribədi fəndastand wetin den rayt en den fridəm, jəstis en pis yaso min.

so, le wi si,

Di Jeneral Asembli

dən tək naw se,

Dis stetment bət di rayt we ɔlman ɔlsay na di wəl fə get, fə bi sem fəɔl kanaba pipul den na ɔl di kɔntri den en dat evribədi en patikla di wan den we get pawa, fə mek shə se dnsef en den denlan am, den sabi am en de fala wetin i se so dat ɔloba di wəl pipul den go get fridəm, jəstis en pis.

Atikul Wan

evribədi bən fri en get in yon rayt, nɔn wan nɔ pas in kɔmpin. Wi ɔl ebul fə tink en fenɔt wetin rayt en rɔŋ pantap dat wi fə sabi aw fə liv lek wan big famili.

Atikul Tu

evribɔdi fɔ get di sem rayt en fridom we dis stetment tɔk bɔt, nɔ mata wɛda in na wetman ɔ blakman, man ɔ uman, bukmən ɔ yu nɔ sabi rid en rayt, poman ɔ mɔniman, kristiən ɔ muslim.

Pantap dat, di kɔntri we di pɔsin bɔn sef nɔ fɔ bi baria na in we. I fɔ get ikwal rayt lek eni ɔda pɔsin na di best develop kɔntri na di wɔl.

Atikul Tri

Evribɔdi fɔ ebul fɔ liv in layf, fɔ fil fri en fɔ fil sef se nɔbɔdi ɔ natin nɔ go denja in layf.

Atikul Fo

Nɔbɔdi nɔ fɔ mek in kɔmpin in slev – dis, ɔenitiŋ sef we fiɓa am fɔ tap.

Atikul Fayv

Nɔbɔdi nɔ fɔ mek in kɔmpin sɔfa bita wiked pen na bɔdi ɔ shem sote i lɔs da in yon yon respekt.

Atikul Siks

evribɔdi get rayt fɔ mek pipul den respekt am as mɔtalman enisay na di wɔl en, sef, fɔ mek di lɔp am get dis respekt.

Atikul Sevin

evribɔdi ikwal en di lɔ fɔ ebul protekt eniwan wantem we ɔda pipul den na trit wan du am wetin in mɔtalman rayt nɔ gri fɔ if bad pipul se ɔda wan agens am.

Atikul Et

evribɔdi we tink se den dɔn go agens in rayt we dis stetment tɔk bɔt, fɔ ebul get ɔl di ep we i nid frɔm eni kotos we get pawə na in kɔntri.

Atikul Nayn

Nɔbɔdi nɔ fɔ arest, jel ɔ dreb eni pɔsin kɔmɔt na in yon kɔntri jes bikɛs i fil fɔ du so.

Atikul Ten

enibɔdi we den arest fɔ tiŋ we i du agens di lɔ, fɔ get ful protekshɔn frɔm Lɔya den we go tinap fɔ am na kotos.

Atikul Ilevin

1. enibɔdi we den kɛr go kot fɔ tiŋ we den se i du agens di lɔ fɔ get di rayt fɔ se in nɔ du da tiŋ de en di kot fɔ biliv am. I go lef wit di kot naw fɔ pruɔ se i du am na pɔblik trayal usay in sef go get in yon Lɔya den we go fet in kes fɔ am.

2. Nɔbɔdi nɔ fɔ pas ɔjment se pɔsin gilty ɔ ipɔnish da pɔsin de fɔ lek big ɔfens we pas wetin i du e sef, we nɔtɔfens insay in yon kɔntri ɔda kɔntri den na di wɔl.

Atikul Twelv

Nɔbɔdi nɔ get rayt fɔ intafia as i lek wit ɔda pɔsin in kolat, in fambul, in om en in leta den we ɔda pipul rayt to am, ɔ ivin tray fɔ pwel in gudnem ɔ in respekt. Di lɔ fɔ protekt evribɔdi fɔ den kanaba molesteshɔn yaso.

Atikul Tɔtin

1. evribɔdi get rayt fɔ go enisay en tap enisay na eni pan di kɔntri den we de na di Yunayted Neshɔn; pantap dat, i fri fɔ kɔmɔt na in kɔntri ɔeniwan pan di kɔntri den na di Yunayted Neshɔn en tɔn bak kam na in yon kɔntri we i pliz.

2. [Missing?]

Atikul Fɔtin

1. enibɔdi we tink se in layf de pan denja get di rayt fɔ aks mek den alaw am, en in fɔ get da pamishɔn de fɔ tap na eni ɔda kɔntri na di wɔl. Bɔt, if di rizin we mek da pɔsin de wan kɔmɔt na in kɔntri go tap ɔdasay nɔ get natin fɔ du with pɔlitiks, ɔ na tiŋ we di Yunayted Neshɔn stɛtment de agens, den i nɔ go get da rayt de.

2. [Missing?]

Atikul Fiftin

1. evribɔdi get rayt fɔ get wan kɔntri we i go kɔl in yon.

2. Nɔbɔdi nɔ get rayt, jes bikɔs i fil so, fɔ, mek sɔmbɔdi nɔ ebul fɔ kɔl in kɔntri in yon igen, en, pantap dat, nɔbɔdi nɔ get da pawa de fɔ tap enibɔdi we want fɔ chenj di kɔntri we i go kɔl in yon.

Atikul Sikstin

1. ɛNi man en uman we dɔn ɔfej, no mata if den tu nɔ to di sem trayb, kɔla ɔ rilijɔn, get di rayt fɔ mared, bɔn pikin en bigin den yon famili. Den fɔ get di sem rayt as maredman en mareduman, ivin if di mared brok sef.

2. Fɔ mek di mared get minin, di man en di uman fɔ no plen wan wetin den de du en den fɔ gri fɔ bi man en wɛf.

3. [Missing?]

Atikul Sevintin

1. evibɔdi get rayt fɔ get prɔpati fɔ in sef ɔ fɔ jɔyn wit ɔda pipul den en get di prɔpati.

2. Nɔbɔdi nɔ fɔ tek eni pɔsin in yon prɔpati kɔmɔt na in an we i jes fil nɔmɔ fɔ du so.

Atikul Etin

evibɔdi get rayt fɔ tink aw i want, fil aw i want bɔt enitin we de apin enisay, en jɔyn eni grup ɔ chɔch ɔeni ɔda Gɔd wok fɔ prez Gɔd di we i fil, igen sef, i fri fɔ chenj in grup ɔ chɔch en ivin di we aw i fil bɔt Gɔd; pantap dat, i fri fɔ wɔship in wangren ɔ wit ɔda pipul den na pɔblik ɔ prayvet.

Atikul Nayntin

evribɔdi get rayt fɔ tink wetin i fil en fɔ se wetin i fil. Dis min igen se nɔbɔdi nɔ fɔ ambɔgin eni ɔda pɔsin bikɔs ɔf wetin i fil ɔ biliv. I get di raty fɔ sho, tɔk bɔt, fala ɔ ivin tich wetin i biliv to ɔda pɔsin den, ilek usay ɔ uskayn we i pas di wɔd.

Atikul Twenti

1. evribɔdi fri fɔ bi memba ɔf eni grup we i chuz wans nɔmɔ den nɔ de du enitin de fɔ briŋ ambɔg ɔ trɔbul na di kɔntri.

2. Nɔbɔdi nɔ fɔ fos eni pɔsin fɔ jɔny eni grup we i nɔ want fɔ jɔyn.

Atikul Twenti Wan

1. evribɔdi get rayt fɔ du wetin i ebɔl du fɔɛp di gɔvament ɔf in kɔntri. I kin du dis if i wok wit di gɔvament ɔ if i vot fɔ pipul den we go wok wit di gɔvament.

2. evribɔdi get di sem rayt fɔ yuz ɔl gɔvament prɔpati we de fɔ di pɔblik.

3. Wetin di pipul den want nain di gɔvament fɔ du. Di pipul den go sho wetin den want we den wan we dɔn big du fɔ vot go vot na jenaral ilekshɔn frɔm tɛm to tɛm. Nɔbɔdi nɔ fɔ fɔs den, nɔbɔdi nɔ fɔ tap den fɔ fri fɔ vot usay nɔbɔdi nɔ go si den, en fɔ udat den want.

Atikul Twenti Tu

evribɔdi get rayt fɔɛkspekt in kɔntri fɔ protɛkt am en gi am chans fɔ divɛlɔp inɛf enisay en bi sɔmbdi wit respekt en we go ebɔl inɛf pan wok ɔ biznɛs ɔ stɔdi te in kɔntri kin si am as wan pɔsin we fɔ abop pan.

Atikul Twenti Tri

1. evribɔdi get rayt fɔ wok, fɔ du di wok we i lek en fɔ get gud pe fɔ di wok we i de du.

2. evribɔdi fɔ get di sem pe fɔ di sem wok.

3. evribɔdi we de wok get rayt fɔ get di kayn pe we go mek in en in famili ebɔl fɔ liv lek nɔmal mɔtalman den, en if i posibul sef, den kin get ɔda kayn ep fɔ mek layf betɛ fɔ den.

4. evribɔdi get rayt fɔ fɔrm tred Yunion ɔ jɔyn an as wokman ɔ wokuman fɔ mek nɔbɔdi nɔ tinap pan den rayt na di wokples.

Atikul Twenti Fɔ

evribɔdi get rayt fɔ rest en rilaks in bɔdi, insay dat, den fɔ rest afta den dɔn wok dɔn evride. Pantap dat, den fɔ get tɛm we den go go ɔlide (evri ia liv) en get den pe fɔ da liv tɛm de.

Atikul Twenti Fayv

1. evibɔdi get rayt fɔ liv di kaynaba layf we go mek in en in famili den nɔ sik, i fɔ ebɔl get tin fɔ it, klos, os, mɛresin en i fɔ ebɔl abop se if tin bad fɔ am na layf, lekɛ i sik, in patna ɔ pikin sik, i lek wok, day mit am ɔ i kam ol tumɔs, i go get ep frɔm di gɔvament.

2. Lili pikin en mami we get pikin get rayt fɔ get spɛshal ep en dis ep nɔ fɔ difrɛn ivin if nɔtɔ di maredwɛf ben di pikin. Maredwɛf pikin en switat pikin fɔ get di sem tritment en benifit ɔlsay.

Atikul Twenti Siks

1. evribɔdi get rayt fɔ get ɛdyukeshɔn; ɛlimentri en prɛymari fɔ bi fri, en ɛlimentri en prɛymari ɛdyukeshɔn fɔ bi bay fɔs, bay kɔmpɛl. enibɔdi we want, kin get di kayn ɛdukesɔn we go tren am fɔ spɛshal jab den. Yunivasiti ɛdyukeshɔn go de fɔɛnibɔdi we want am, en we fit fɔ get am.

2. ɛdyukeshɔn go tren di lana fɔ gro fɔ respekt di rayt en fridɔm we ɔda pipul den get. I go mek pipul den ebɔl fɔ liv togɛda nɔ mata wɛda den de na di sem kɔntri ɔ sɔm bi frɔm ɔda kɔntri, wɛda den get di sem kɔla ɔ den ivin jɔyn di sem rilijɔn; dis go ep mek di Yunayted Neshɔn den wok fɔ get pis en kolat ɔlsay na di wɔl izi.

3. Na di mami en di dadi fɔ disayd uskayn ɛdyukeshɔn den pikin fɔ get; if den nɔ ebɔl ɔ den nɔ de, den, ɔda pɔsin kin du am.

Atikul Twenti Sevin

1. evribodi get rayt fɔ tek pat pan ɔl den kaynaba aktiviti we blant in kɔntri leke di siŋen dans, di dresin en di pichɔ drɔin den we de sho tiŋ den bɔt in kɔntri. I get di rayt igen sef fɔ tek pat en benifit frɔm di gud tiŋs den we sayens dɔn briŋ kam na in kɔntri.

2. evribodi get rayt fɔ kip en enjoy as in yon enitin we in sef fenɔt, du ɔ rayt insay sayeens, raytin drama ple aktiŋ.

Atikul Twenti Et

evribodi get rayt fɔ benifit frɔm grup we get pawa ɔbba di wɔl fɔ mek shɔ se evribodi go enjoy den rayt en fridɔm den we dis stetment tɔk bɔt.

Atikul Twenti Nayn

1. evribodi get in yon wok we in fɔ du na in sosayti fɔ mek shɔ se i go liv api en ful layf insay de.

2. We pɔsin de tray fɔenjoy in rayt den en in fridɔm den na sosayti, i fɔ memba se di lɔ de fɔ mek shɔ se i memba se ɔda pɔsin densef get den yon rayt en fridɔm we i fɔ respekt so dat ɔda en kolat go de ɔlobɔt (ɔlsay).

3. Den rayt en fridɔm den ya we de na dis stetment we kɔmɔt na Yunayted Neshɔn na fɔ mek pipul den get pis en kolat na den kɔntri. Nɔbɔdi nɔ fɔ tray fɔ mek pipul den fɔ get ɔda tiŋ pas dat.

Atikul Tati

Natin nɔ de insay pan den stetment yaso we min bad fɔeni pɔsin ɔ grup ɔf pɔsin insay eni kɔntri so, mek nɔbɔdi nɔ fil dat.
